

ARKOCONSULT AS
Postboks 103
5291 VALESTRANDSFOSSEN

Dato: 03.04.2018
Vår ref.: 2018/8134-6
Saksbehandlar: kjeomar
Dykkar ref.:

Att. Widar Sorø

Fråsegn til oppstartsmelding - regulering del av FV410 - Langhøyane - Kjebogen - gnr 45 bnr 229 m fl

Vi viser til brev datert 28.02.2018 om oppstart av arbeid med detaljregulering for gnr. 45 bnr. 229 m. fl., Langhøyane – Kjebogen, Radøy kommune. Hovudføremålet med reguleringa er utviding av veg og etablering av fortau. Føremålet er i hovudsak i samsvar med kommuneplan der området er sett av til *vegareal*.

Hordaland fylkeskommune vurderer oppstartsmeldinga ut i frå fylkeskommunens sektoransvar og målsettingar i regionale planar.

Vurdering og innspel

Samordna areal- og transport

Regional transportplan for Hordaland (2013-2024) viser til at strekningsvise utbetringstiltak, med fokus på framkomme og trafikktryggleik, er viktige prioriteringar. Det vektleggjast at gang- og sykkelveger i område kring skular og andre målpunkt for barn og unge er viktige trafikk sikringstiltak. Det er viktig at fortau vert godt utforma og merka for å gjere den trygg og attraktiv å nytte.

Barn og unges interesser og universell utforming

Fylkeskommunen ser det som positivt at man med planen ønsker å styrke trafikk sikkerheten for myke trafikkantar og såleis auke tryggleiken for born og unge som nyttar vegen.

Det bør leggjast til rette for universell utforming av gang- og sykkelveg, samt busslommar/busstopp, med heilskapleg og gjennomført design/arkitektur. Tiltak for tilkomst, synbarhet, kontrastar, merking og utbetring av nivåforskjellar for å lette orientering og farbarheit for svaksynte og rørslehemma bør innlemmas som eige del av planen.

Krava som følgjer av TEK10 og Norsk Standard 11005:2011 *Universell utforming av opparbeidete uteområder - Krav og anbefalinger*, gjeld.

Kulturminne

Me vil minne om at dokumentasjon av kulturminne og kulturmiljø skal gjerast på eit tidleg stadium i all arealplanlegging. Hordaland fylkeskommune ber om at eventuelle kulturminneinteresser vert omtalte, verneverdiane vurdert og tekne omsyn til i det vidare planarbeidet. Dersom tiltaket er i vesentlig konflikt med regionale og nasjonale kulturminneinteresser kan Hordaland fylkeskommune vurdere å imøtegå planforslaget gjennom eit politisk vedtak.

Me har i dag ikkje kjennskap til automatisk freda kulturminne eller andre verneverdige kulturminne i planområdet. Like nord for plangrensa ligg det ein steinalderbuplass (Askeladden id. 91073), men potensialet for nye funn av automatisk freda kulturminne innanfor planområdet vart likevel vurdert å vera lågt. Me har derfor inga avgjerande merknader i saka.

Hordaland fylkeskommune har ingen vidare merknader i høve til kulturminne på noverande stadium i planprosessen.

Meir informasjon

Meir informasjon om plantema, rettleiarar og statistikk/kart kan ein finne på nettsidene våre www.hordaland.no .

Oppsummering

Hordaland fylkeskommune ber om at planarbeidet legg særleg vekt på barn og unge sine interesser, universell utforming og kulturminne.

Eva Katrine R. Taule
fagleiar kommunal plan

Kjetil Bø Omarstrand
saksbehandlar

Brevet er godkjent elektronisk og har derfor inga underskrift.

Saksbehandlar:

Kjetil Bø Omarstrand, Seksjon for plan - REG AVD, REGIONALAVDELINGA

Kopi til:

RADØY KOMMUNE

FYLKESMANNEN I HORDALAND

Statens vegvesen - Region Vest